

CYNGOR CAERDYDD

DEDDF SAFONAU A THREFNIADAETH YSGOLION (CYMRU) 2013

DARPARIAETH ANGHENION DYSGU YCHWANEGOL

YSGOL ARBENNIG Tŷ GWYN

HYSBYSIR DRWY HYN yn unol ag Adran 44 o Ddeddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, fod Cyngor Caerdydd ("yr Awdurdod"), ar ôl ymgynghori â'r personau hynny yr oedd yn ymddangos iddynt yn briodol, yn cynnig newid Ysgol Arbennig Tŷ Gwyn, Vincent Road, Caerau, Caerdydd, CF5 5AQ fel a ganlyn:

- Cynyddu nifer dynodedig Ysgol Arbennig Tŷ Gwyn o 198 i 240.

Cynigir gweithredu'r cynnig o Fedi 2022.

Cynhelir yr ysgol gan Gyngor Caerdydd ar hyn o bryd.

Cynhaliodd yr Awdurdod gyfnod ymgynghori cyn penderfynu cyhoeddi'r cynnig hwn. Gellir gweld adroddiad ar yr ymgynghoriad sy'n cynnwys crynodeb o'r materion a godwyd gan yr ymgynghoreion, ymatebion yr Awdurdod a barn Estyn yn:

[Agenda'r Cabinet Ddydd Iau, 10 Mawrth, 2021, 2:00 pm: Cyngor Dinas Caerdydd \(modern.gov.co.uk\)](http://modern.gov.co.uk)

Ar hyn o bryd, capasiti'r ysgol yw 198 o leoedd. Nifer presennol y disgyblion yn yr ysgol yw 205.

Capasiti arfaethedig yr ysgol ar ôl gweithredu'r cynnig fydd 240

Bydd yr ysgol yn parhau i ddarparu lleoedd i ddysgwyr 3 - 19 oed sydd ag anableddau dysgu cymhleth a chyflyrau sbectwm awtistiaeth.

Addysgir plant mewn dosbarthiadau oedran cymysg a gall y nifer fesul grŵp oedran amrywio, ond ni fyddai'r nifer cyffredinol yn fwy na 240.

Does dim cynlluniau i newid polisi'r Cyngor ar dderbyn plant i'r ysgol yn sgil y cynigion hyn.

Rheolir derbyniadau i'r ysgol gan yr awdurdod lleol, yn amodol ar ddatganiad o Anghenion Addysgol Arbennig (AAA) neu Gynllun Datblygu Unigol (CDU) fel y bo'n briodol.

Bydd unrhyw drefniadau ar gyfer cludo disgyblion i'r ysgol yn cael eu gwneud yn unol â pholisïau presennol yr Awdurdod ar gludo plant i'r ysgol.

O fewn cyfnod o 28 diwrnod o ddyddiad cyhoeddi'r cynigion hyn, sef hyd at 02 Mehefin 2022, caiff unrhyw berson wrthwynebu'r cynigion hyn.

Dylid anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd, Neuadd y Sir, Glanfa'r Iwerydd, Caerdydd, CF10 4UW.

Gellir hefyd anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd i'r cyfeiriad e-bost canlynol: ymatebionysgolion@caerdydd.gov.uk

Nodwch fod rhaid i unrhyw wrthwynebiadau o'r fath gynnwys enw llawn a chyfeiriad post yr un sy'n gwrthwynebu.

Bydd yr Awdurdod yn cyhoeddi crynodeb o unrhyw wrthwynebiadau o'r fath a wneir (ac nad ydynt wedi'u tynnu yn ôl yn ysgrifenedig) yn ystod y cyfnod gwrthwynebu, ynghyd â sylwadau'r awdurdod ar y gwrthwynebiadau hynny, cyn pen 7 niwrnod, gan ddechrau ar y diwrnod y penderfynir ar y cynnig.

Dyddiedig y 6ed o Fai 2022

Llofnod: Davina Fiore
Cyfarwyddwr Gwasanaethau Cyfreithiol, Llywodraethiant
a Swyddog Monitro Cyngor Caerdydd

NODYN ESBONIADOL

(Nid yw hwn yn rhan o'r Hysbysiad ond ei nod yw egluro'i ystyron cyffredinol)

Mae Tŷ Gwyn yn ysgol arbennig sydd wedi'i lleoli yn Vincent Road yng Nghaerau. Mae'r ysgol yn derbyn disgyblion o bob rhan o Gaerdydd.

Mae'r ysgol wedi'i dynodi i ddarparu 198 o leoedd ar gyfer dysgwyr 3-19 oed sydd ag anableddau dysgu cymhleth a Chyflyrau ar y Sbectrwm Awtistiaeth, gan gynnwys y rhai ag anableddau lluosog neu ddwys sydd angen lefelau uchel o gymorth.

Mae'r ysgol wedi'i ffedereiddio ag Ysgol Arbennig Riverbank ac Ysgol Uwchradd Woodlands, fel Ffederasiwn Campws Dysgu'r Gorllewin, ers mis Ionawr 2018.

Er mwyn ateb y galw am ddarpariaeth arbenigol i ddysgwyr sydd ag anghenion dysgu cymhleth a chyflwr sbectrwm awtistig, cynigir cynyddu nifer dynodedig y lleoedd yn Ysgol Arbennig Tŷ Gwyn o 198 i 240 o fis Medi 2022.

Nifer y disgyblion yn yr ysgol yw 205 gyda'r plant ychwanegol yn cael lle yn y lleoedd dysgu presennol.

Cynigir y byddai'r ysgol yn estyn drwy addasu hen Ganolfan Ieuencid Trelái i ddarparu lleoedd dysgu a chyfleusterau ychwanegol gydag estyniad pellach i'r de o'r safle a fydd â 3 ystafell ddosbarth ac ardal gymorth ychwanegol. Byddai hyn yn galluogi hyd at 240 o blant i gael lle.



Neuadd y Sir
Caerdydd,
CF10 4UW
Ffôn: (029) 2087 2088
www.caerdydd.gov.uk
County Hall
Cardiff,
CF10 4UW
Tel: (029) 2087 2087
www.cardiff.gov.uk

Yn ogystal â'r cynnydd arfaethedig mewn lleoedd dynodedig yn Ysgol Arbennig Tŷ Gwyn, mae lleoedd ychwanegol ar gyfer disgyblion sydd ag anghenion dysgu cymhleth a chyflwr sbectrwm awtistiaeth ar gyfer nifer o ysgolion o fewn yr awdurdod lleol. Gellir gweld manylion y cynigion hyn a chopïau o'r hysbysiadau statudol ar y dudalen we yma: [Anghenion Dysgu Cymhleth/Darpariaeth Cyflwr Sbectrwm Awtistiaeth \(caerdydd.gov.uk\)](http://www.caerdydd.gov.uk)